

# Powšitkowne WOZJEWJENJA

njedźelu, 12. februara 2012

## Patronatne kemše TCM

Towarstwo Cyrila a Metoda z.t. (TCM) přeprošuje wšitkich wěriwych na swjedženju swjateju Cyrila a Metoda wutoru, 14. februara, na patronatnu Božu mšu do Baćonja. Kemše započnu so w 19 hodź.

## Kubłanski dzeń za 1. a 2. lětnik

Dekanatne dušepastyrstwo přeprošuje šulerki a šulerjow 1. a 2. lětnika štwórtk, 23. februara, wot 9 do 15 hodź. na kubłanski dzeń pod temu „Nowy spočatk“ do Don Boskoweho domu we Worklecach. Zajimcy njech so prošu hač do štwórtka, 16. februara, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadži so wot kóždeho wobdźelnika přinošk we wysokosci třoch eurow.

## Zhromadne posćenje

Sonja Hrjehorjowa poskićuje tež lětsa w Sulšecach zhromadne dny posćenja. Přeni kurs – přewažnje němsce – započnje so srjedu, 22. februara, a skónči so njedźelu, 26. februara, z lamajom posćenja. Druhi kurs – přewažnje serbsce – budže wot njedźele, 4. měrca, hač do soboty, 10. měrca. A třeći kurs – wosebje za muži – budže wot soboty, 17. měrca, hač do soboty, 24. měrca. Bliše informacije ke kursam dóstanu zajimowani na informaciskim wječorku z přednoškom wo posćenju a jeho formach, kotryž budže srjedu, 15. februara, w 19 hodź. w Sulšecach, čisło 42. Naprašowanja a přizjewjenja su móžne pola Sonje Hrjehorjoweje, Sulšecy 42, 02997 Kulow, telefonowe čisło (03 57 25) 7 05 60.

## Putnikowanje do Krupki

Na pěše putnikowanje do Krupki su młodostni ze wšěch wosadow přeprošeni. Procesion woteńdže njedźelu, 29. julija, z Chrósćic a wróci so pjatk, 3. awgusta. Zajimcy měli so w Chrósćicach na farje přizjewić, telefonowe čisło (03 57 96) 8 04 00. Boža mša w Krupce budže srjedu, 1. awgusta, w 10 hodź.

Za ministrantki a ministrantow 8. a 9. lětnika

## Prózdniške dny w Zakopany

Towarstwo Cyrila a Metoda (TCM) přewjedže za ministrantki a ministrantow tuchwilneho 8. a 9. lětnika, kotřiž aktiwnje k wołtarjej služa, prózdniške dny w Pólskej. Tutón dowol ma wot štwórtka do soboty, 9. do 18. awgusta, w měsće Zakopany we Wysokich Tatrach być. Wšitke ministrantki a wšitcy ministranća mjenowaneje starobneje skupiny su k tomu wutrobnje přeprošeni. Budžemy pućować a so w přirodže Wysokich Tatrov wočerstwjeć. Pojědzemy wězo tež do bliskeho Krakowa, zo bychmy sej Wawel, Rynek a Wieliczku wobhladali. Dyrdomdejski budže zawěsće wulět do Słowakskeje, hdžež wočakuje was jězba na splawach.

Financowanje tutech džesać dnjow je scěhowace: Starši měli na ministrantku abo ministranta 160 eurow zapłaćić. Darićel wjetšeje sumy, TCM, wosady a Założba za serbski lud prózdniški projekt podpěraja. Z tym su transport, přenocowanje, zastaranje, wšitke wulěty a zastupy zaručene.

Lube ministrantki a lubi ministranća, přizjewće so prošu hač do pónđzele, 13. februara, w redakciji Katolskeho Posoła, telefonowe čisło (0 35 91) 55 02 12 abo z mailku na [Katolski@Posol.de](mailto:Katolski@Posol.de).

Wočakuja was woprawdže wotměnjace a wočerstwjeć dny.

*Jurij Špitank, předsyda TCM*

## Termíny za serbskich młodostnych w přichodnych měsacach

### FEBRUAR

pjatk a sobotu, 24. a 25.2.  
**mandželski seminar** w Smochćicach  
sobotu, 25.2., w 20 hodź.  
prěnja **komplet** we Wotrowje

### MĚRC

sobotu, 3.3., w 20 hodź.  
druha **komplet** w Chróscicach  
sobotu, 10.3., w 20 hodź.  
třeća **komplet** w Njebjelčicach  
pjatk a sobotu, 16. a 17.3.  
**mandželski seminar** w Smochćicach  
sobotu, 17.3., w 20 hodź.  
štwórta **komplet** w Rabicach  
sobotu, 24.3., w 20 hodź.  
**nócne modlenje** w Radworju  
pjatk a sobotu, 30. a 31.3.  
**mandželski seminar** na farskej wikariji w Pančicach-Kukowje

### APRYL

bołmončku, 1.4. w 14 hodź. **křižowy puć** w Hórkach  
štwórtk, 12.4. we 18 hodź. **Emmauske pućowanje** w Koćinje

### MEJA

wutoru 1.5., w 14 hodź.  
**mejski nyšpor** při pomniku Cyrila a Metoda

### JUNIJ

njedźelu, 3.6.  
**putnikowanje serbskeje młodžiny** do Róžanta

### JULIJ

sobotu, 14.7.  
**koparski turněr**  
dekanatneje młodžiny